

重刊圖記

貴陽府志
十

卷(24-26)

新刊
船

PDG

貴陽府志卷二十四

知貴陽府事泰和周作楫夢巖輯

知貴陽府事博白朱德璉綬堂刊

記一

畫里圖記第一之一

方志古曰圖經重圖也圖而繫之以經圖必有記以
相輔也圖難矣而圖黔南尤難圖者苟知裴氏之六
渡思過半矣圖黔南者雖知裴氏之六渡尚不能成
何則黔以南多深谿當其下入也兩岸之峯巒若合
無人焉能下以入谿之中黔以南多伏流當其斷續

也。重源之顯見難知，無人焉能遙以測川之脈。故水道之見於舊記、采訪冊者，或有源而無委，或有委而無源，或有源委而無受納之支川，或有支川而無決入之左右先後。故黔南之水難圖也。黔南之地多華離，非僅犬牙相錯也。一州一縣或分爲數區，多與它州外縣相隔，或越一里一司，或懸絕千里，反與本州本縣聯屬。又或苗狝錯雜，甌脫卽在郊關之外，邨市無異受轄，乃至三四之歧。故地又難圖也。黔南之路叢筍多而遠近無定，山巖斷阻，或百里之逕，紆曲至於半千。官程驛路稍有規撫，密洞窮鄉無復步里，又

或百里之遙舉中而得半三分而取一此又道路之
難圖也黔南之山峯叢嶂雜無原隰以拓之無川澗
以止之繁多而紀律亂疊起而向背迷居民尠少名
號恆無形勢模糊岡巒若一以故譚山脈者非繁言
莫竟或叙數里之支而累牘或舉由旬之幹而連篇
至於苞括郡縣界畫經流者類居荒徼卽有千里之
遙萬仞之高亦不能及此文圖山之難也若夫方言
雜糅百里之川或百其名三里之堡至三其號此則
名稱之不可恃也出東門者卽號東方出西門者卽
號西方百里以外可見之崇山莫或準而望之以致

正隅反施。午子易向。蹇訖無舉正。此則方向之不可恃也。古書定法。凡云東北距州者。是在其州之西南。東南至縣者。是在其縣之西北。舊志采訪州往往在縣之西南者。云西南至縣。在州之西北者。云西北距州。此則記錄之不可恃也。具此四難。加以三不可恃。圖又烏能成哉。今據其可信者。以審其可疑。據其所有者。以推其所無。納之於軌。而分其大。定之以方。而略其小。乖刺者缺焉。闕落者缺焉。一其分率。明其界畫。使有志者可因而加密焉。可就而更正焉。其間爲總圖者。括其全也。爲分圖者。定其界也。全國而括。

之者明合者之可分而亦使分者之可合也第輪以
甲乙中於府治而東而南南北定其方隅分一州縣綱
之而司里領之圖具而記麗焉要已成其難矣知難
者庶可語於斯

貴陽府總圖第一

貴陽全圖戊三第廿七

貴陽親轄圖第二

貴陽全圖戊四第廿八

貴筑縣圖第三

貴陽全圖己二第廿九

定番州圖第四

貴陽全圖己三第三十

大塘圖第五

貴陽全圖己四第卅一

羅斛圖第六

廣順州圖第七

長寨廳圖第八

開州圖第九

龍里圖第十

貴定圖第十一

修文圖第十二

貴陽全圖甲一第十三

貴陽全圖甲二第十四

貴陽全圖乙一第十五

貴陽全圖乙二第十六

貴陽全圖乙三第十七

貴陽全圖丙一第十八

貴陽全圖丙二第十九

貴陽全圖丙三第二十

貴陽全圖丁一第廿一

貴陽全圖丁二第廿二

貴陽全圖丁三第廿三

貴陽全圖丁四第廿四

貴陽全圖戊一第廿五


貴陽全圖戊二第廿六


真陽府總圖第一 每方六十里






貴陽親轄圖第二 每方二十里








定番州圖第四 每方十五里





大塘圖第五 每方十五里

